

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

Art. VI. Vtrum gratia habitualis realiter distinguatur à charitate?

[urn:nbn:de:hbz:466:1-77342](#)

quare in sacris litteris appellantur servi, & spiritum servitutis habere dicuntur, ut pater ad Galat. 4. & ad Roman. 8. & alibi s^epē: item illis non patet aditus ad h^{ereditatem} cœlestem, sicut iūlis novæ legis. Quare tres gradus filiationis adoptiva distingui possunt: primus & imperf^{ect}issimus est iustorum ad veterem legem pertinientium: secundus est iustorum ad legem novam spectantium, qui alio perfectior est: tertius, & omnium perfectissimus, est beatorum videntium Deum, qui non solum habent jus ad Dei h^{ereditatem}, sed etiam illam actu possident, Deoque per beatificam visionem perfectissimè assimilantur. De hac adoptione loquitur Apostolus ad Roman. 8. q^{uod} ait: *Nos ipsi primiūspiritus habentes, intra nos geminius, adoptionem filiorum Dei expellentes*, id est filiationem gloriae, quæ excedit statum adoptionis viæ; sicut status adoptionis iustorum novæ legis, præstantior est statu adoptionis patrum veteris testamenti. Unde sicut ob hunc excessum D. Paulus ad Galat. 4. statum antiquæ legis comparat parvulo, sub actoribus & tutoribus constituto; ita 1. ad Corinth. 13. loquens de statu præsentis viæ, comparativè ad statum gloriae, eadem utitur similitudine, dicens: *Cum essem parvulus, loquebar ut parvulus &c.* Sicut enim status veteris legis, propter imperfectam cognitionem, est sicut parvulus, in comparatione ad statum gratia & veritatis, quæ per Christum facta est: sic status præsentis vita, in qua videmus per speculum & in ænigmate, est sicut parvulus, comparativè ad statum vita futura, in qua est perfecta cognitio Dei.

149. Inferes ultimò, relationem filiationis adoptivæ Dei esse realem: Nam sequitur ad realem generationem, per quam rationalis creatura accipit gratiam habitualē, illi intrinsecè inherenter: Relatio autem habens reale fundamentum intrinsecum, non est rationis, sed realis.

Confirmatur: Ideo filatio adoptiva inter homines est relatio rationis, quia sequitur ad extrinsecam acceptationem unius hominis ab alio ad ejus h^{ereditatem}, quia acceptatio nihil reale intrinsecum infert in subiecto adoptato: Sed filatio adoptiva Dei non sequitur immediata ad extrinsecam acceptationem, sed ad formam realem intrinsecam, nimirum gratiam habitualē, ut ex supra dicit s^epē: Ergo est relatio realis.

ARTICVLVS VI.

Vtrum gratia habitualis realiter distinguitur à charitate?

150. **N**egant Scotus, Durandus, Gandavensis, & alij ex antiquis Theologis, contendentes idem esse gratiam & charitatem secundum rem, solumque formaliter & ratione ratiocinata distingui, ita ut idem habitus dicatur gratia, quatenus gratis datur, aut gratum facit; charitas vero, prout est principium diligendi Deum. Hos ex Recentioribus sequuntur Vega lib. 7. in Trident. cap. 26. & 27. Bellarminus lib. 1. de gratia & lib. arb. cap. 7. & Aegidius Coninck de actibus supern. d^{icit} p. 21. dubio 7. Sententia tamen affirmans communior est inter Theologos, eamque docet expressè S. Thomas hic art. 3. omnesque eius Discipuli. Vnde sit

A

§. I.

Conclusio affirmativa statuitur.

Dico igitur, gratiam distingui realiter à charitate.

Probatur primò ex Scriptura, quæ de gratia & charitate, ut de duobus inter se distinctis loquitur: nam 2. ad Corinth. 13. dicitur, *Gratia Domini nostri Iesu Christi, & charitas Dei.* Et 1. ad Timoth. 1. *superabundavit gratia Domini nostri Iesu Christi, cum fide, & dilectione.* Quibus verbis gratiam à charitate, sicut à fide distinguuntur: Sed gratia realiter à fide distinguuntur, cùm fides remaneat in peccatoribus, in quibus tamen constat gratiam Dei non esse: Ergo & à charitate.

Confirmatur: Ex sacris litteris constat gratiam præcedere charitatem, & prius naturā infundi; Ergo & realiter ab illa distingui. Consequenter patet. Antecedens probatur ex illo ad Roman. 5. *Charitas Dei diffusa est in cordibus nostris per Spiritum sanctum, qui datus est nobis: ubi diffusio charitatis attribuitur Spiritui Sancto jam dato: Sed datus per gratiam habitualem: Ergo prius naturā infunditur gratia in anima, quān charitas in corde per Spiritum Sanctum diffundatur.* Hac ratione utitur S. Thomas qu. 27. de verit. art. 2. argum. 2. *sed contra.*

Confirmatur amplius: Prius est animam diligi à Deo, quam eundem diligere, juxta illud 1. Ioan. 1. *ipse prior dilexit nos:* Atqui gratia est obiectum dilectionis, quā Deus nos in ordine supernaturali perfectè diligens, ut suprà art. 1. ostendimus, amor Dei format obiectum suum, reddendo illud amabile per infusionem gratia, quæ est anima pulchritudo, & maximum eius ornamentum; charitas vero est principium quo nos Deum ipsum diligimus: Ergo gratia prior est charitate, subindeque realiter ab illa distinguitur.

Probatur secundò ratione: In naturalibus quod dat esse simpliciter, distinguitur realiter ab eo quod dat tantum esse operativum; essentia quippe seu natura à qua dependet esse, distinguitur realiter à suis potentijs, quæ sunt principium immediatum operandi; solius enim Dei est operari per essentiam, & non per instrumentum aut potentiam a se distinctam: unde D. Thomas 1. p. quaest. 54. art. 3. assertit potentiam intellectivam. Angeli non esse eius essentiam; & nostri Thomistæ in Philosophia docent nullam posse dari substantiam creatam, quæ sit immediata operativa: Atqui de rebus supernaturalibus, servata proportione, ac demptâ earum supernaturalitate, philosophandum est sicut de naturalibus; gratia enim, quantum fieri potest, natura attemperatur & accommodatur, ut passim docent Theologi: Iguit gratia habitualis, quæ dat esse supernaturale animæ, distinguitur realiter à charitate, quæ tantum confert esse operativum, seu esse principium proximum & immediatum operandi, ac diligendi Deum super omnia.

Respondebat Durandus, quod licet virtutes & potentiae naturales quæ dant esse operativum, distinguuntur realiter à natura quæ dat esse simpliciter, quia hæc est substantia, ac proinde non est immediate operativa; habitus tamen charitatis identificatur realiter cum gratia sanctificante, quia cùm hæc sit accidentis, potest esse immediata per seipsum operativa, simulque elevare animam ad esse supernaturale, & divine nature participationem,

ac esse principium proximum & immediatum
operandi, & diligendi Deum super omnia.

156. Sed contra primò: Etsi gratia habitualis ex communi conceptu accidentis, non eximatur ab hoc quod est posse esse principium proximum & immediatum operandi, ac diligendi Deum super omnia, eximitur tamen ex speciali ratione talis accidentis; illa enim ex propria ratione specifica est natura supernaturalis, seu gerens vices naturae in ordine supernaturali: natura vero ex proprio conceptu non est principium proximum motus, sed duntaxat radicale & remotum.

157. Confirmatur: Etsi gratia habitualis sit accidentis, quia tamen est natura supernaturalis, habet dare esse simpliciter, seu primum esse in ordine supernaturali; subindeque distinguitur à forma, que in eodem ordine dat esse operativum, quod est esse tantum secundum quid: hoc enim duplex esse petit distincta principia in supernaturalibus, sicut in naturalibus.

158. Contra secundò: Etsi gratia habitualis sit accidentis, non est tamen principium proximum intelligenti in ordine supernaturali, sed id praestatur à fide, vel à lumine gloriae, qua realiter ab illa distinguntur: Ergo multò minus erit principium proximum diligendi Deum super omnia: cùm enim amor sit vis appetitiva, & inclinatio consequens ad naturam, magis videtur distingui à natura in qua fundatur & radicatur, quamvis cognoscitiva.

159. Confirmatur: Plus distinguitur esse ab operari, quam unum esse operativum ab alio esse operativo; cùm hæc sint intra eandem lineam operandi, illa vero in diversis lineis; & tamen forma praestans in ordine supernaturali esse intellectivum, non praestat esse volitivum: immo virtus dans esse intellectivum circa principia supernaturalia, non dat esse intellectivum conclusionum, hoc enim praestatur à Theologia, & prudentia infusa, illud à fide: Simile est in charitate, qua praestat esse appetitivum circa finem, virtutes autem morales infusa circa media: Ergo multò minus eadem forma praestabit esse primum & simpliciter in ordine supernaturali, & esse operativum ac secundum quid. Unde etsi gratia habitualis sit accidentis, cùm tamen gerat vices naturae in ordine supernaturali, & tribuat esse primum & simpliciter in tali ordine, non potest esse principium proximum & immediatum operandi.

160. Contra tertio: Etsi gratia habitualis sit accidentis, est tamen subjectum quo virtutum supernaturalium, sive id quo anima redditur susceptiva virtutum infusarum; non enim intelligitur ante gratiam subjectum proportionatum ad hujusmodi virtutes, cùm illæ sint improportionatae naturae: Ergo distinguitur realiter ab eis. Probatur Consequentia: Quantitas, licet sit accidentis, quia tamen est subjectum quo ad recipienda accidentia materialia, ab eis distinguitur realiter: Ergo similiter si gratia habitualis sit subjectum quo virtutum supernaturalium, habitans & proportionans hominem ad illas recipiendas, realiter distinguitur ab illis.

161. Probatur rursus conclusio ratione D. Thomæ hic art. 3. que sic potest proponi. Charitas supponit in anima gratiam habitualem: Ergo realiter ab illa distinguitur. Consequentia patet, Antecedens probatur. De ratione virtutis in communi est disponere subjectum ad operandum convenienter ad naturam in eo praexistentem; nam virtus dat posse bene operari, posse autem bene

Tom. IV.

A operari, est posse exire in operationem naturæ convenientem & proportionatam; bonum enī, & conveniens naturæ, idem sunt: unde Aristoteles 7. physic. cap. 17. ait quod *virus est dispositio perfecti ad optimum*, & subdit: *Perfectum autem dico, quod est dispositum secundum suam naturam*: hoc vero inter charitatem & virtutes aquitatis discrimen intercedit, quod illa, cùm sit ordinis divini & supernaturalis, non potest sicut alia disponere convenienter ad naturam rationalem secundum se, quippe cum qua non haber convenientiam & proportionem, sed excedit: Ergo supponere debet eam esse elevatam, & convenienter ad illam ut sic elevatam disponere subjectum; subindeque debet supponere formam per quam sit talis elevatio: Sed haec est gratia habitualis: Ergo charitas supponit in anima gratiam habitualem.

162. Dices primò cum Durando, unam & eandem formam posse tribuere utrumque hunc effectum, scilicet elevare animam rationalem ad esse supernaturale, & disponere potentiam ad operandum conformiter ad illud; & per consequens non requiri quod charitas presupponat in anima gratiam habitualem, per quam ad esse supernaturale eleverut.

163. Sed contra primò: Illi duo effectus recipiuntur in diversis subjectis, scilicet in anima, & in ejus potentia: Ergo necessariò provenire debet à duplice forma; nam eadem forma non potest esse in duplice subjecto realiter distincto, quale est anima & ejus potentia, ut suppono ex Philosophia.

164. Contra secundò: Si gratia habitualis esset forma ita eminens, quod simul duos illos effectus praestaret, scilicet elevationem animæ ad esse supernaturale, & inclinationem formalem ad operandum, & diligendum Deum super omnia, patiter dicitur posset unicam formam praestare effectus omnium virtutum theologicarum & moralium, ipsorumque donorum Spiritus Sancti, si que tolleretur necessitas multiplicandi virtutes & dona, cùm fructu fiant per plura que possunt fieri per pauciora: Sed hoc est contra communem SS. Patrum & Theologorum sententiam, qui præter gratiam sanctificantem, plures virtutes, & dona Spiritus Sancti, in hominibus justificatis admittunt, immo & contra Concilium Viennense, approbans sententiam Theologorum assertentium animabus infantium in baptismō infundi gratiam, & virtutes: & contra Tridentinum sent. 6. cap. 7. ubi expressè decernitur, hominem justificari per voluntariam susceptionem gratiae, & donorum: Ergo &c.

165. Contra tertio: Esto possibile sit per respectum ad potentiam Dei absolutam, eandem formam utrumque effectum praestare, suavis tamen Dei providentia exigit, ut hos effectus per formas distinctas producatur; quia cùm esse in aliquo ordine presupponatur ad operari intra eundem ordinem, principium essendi presupponi debet, saltem conaturaliter, ad principium operandi. Unde Dionysius lib. de Eccl. hierar. cap. 2. ait hominem non posse operari divina, nisi prius fuerit affectus statum & esse divinum; sicut non potest operari humana, antequam incipiatur esse homo.

166. Dices secundò: Fides & spes sunt virtutes supernaturales, & tamen non exigunt naturam esse elevatam per gratiam, ut subjectum disponatur convenienter ad operandum; cùm repertiantur non solum in homine justo, sed etiam in peccatore, gratia habituali privato: Ergo ratio D. Thome deficit.

O ij

Respondeo quod quando dicitur de ratione A virtutis esse, disponere subjectum ad operandum convenienter ad naturam in eo praexistentem, hoc debet intelligi de virtute habente statum & perfectam rationem virtutis, & existente in suo subiecto connaturali: fides autem & spes, prout sunt in peccatore, cum sint informes, non habent statum & perfectam rationem virtutis, nec sunt in subiecto connaturali: unde sicut calor in aqua, ubi est in esse imperfecto, preternaturali, ac violento, non supponit illa esse proportionatum ad calefaciendum; ita nec fides & spes in peccatore supponunt esse supernaturale proportionatum operationi & fini supernaturali. Hoc autem non potest habere locum in charitate, cum illa sit essentialiter virtus perfecta, & habeat modum & statum virtutis, nec possit in esse imperfecto, & informi, ac veluti violento reperiri, sicut fides & spes.

167. Quarto probatur conclusio: Gratia est radix charitatis, & aliarum virtutum infularum, sicut essentia est radix suarum proprietatum: Ergo distinguitur realiter a virtutibus. Antecedens pater ex dictis art. 4. §. 3. corol. 2. & potest adhuc suaderi. Nam gratia est terminus dilectionis qua Deus nos diligit in ordine ad finem supernaturalem: Ergo sicut talis dilectio est radix omnium bonorum supernaturalem, quae nobis proveniunt a Deo, ita & gratia ex sua speciali ratione haber quod sit origo omnium virtutum. Consequentia vero probatur: Si gratia est radix virtutum, sicut essentia proprietatum, deber habere in ipsis aliquem influxum activum, qui dicitur resultantia; essentia enim est causa hoc modo activa suarum proprietatum, ut demonstrant nostri Thomistae in Philosophia: Sed influxus activus supponit distinctionem inter causam & effectum: Ergo si gratia est radix virtutum, sicut essentia proprietatum, distinguitur realiter ab illis.

168. Denique suaderi potest conclusio. Charitas est inclinatio in ultimum finem: Ergo supponit naturam qua dimanet, scilicet gratiam. Consequentia probatur: Tum quia universaliter omnis propensio in aliquem finem, supponit naturam cujus est inclinatio, ut patet in gravitate & levitate: Tum etiam, quia ideo processio Spiritus Sancti non est per modum naturae, nec generatio, quia est per modum impulsus seu inclinationis, quae necessariò supponit naturam, cujus est inclinatio.

169. Confirmatur, & magis illustratur hæc ratio ex doctrina quam tradit S. Thomas quest. 27. de veritate, art. 2. In quolibet ordine rerum quatuor reperiuntur, substantia seu natura rei, finis ipsius, inclinatio ad talem finem, & motus seu tendentia in illum: v. g. in lapide est propria natura, consistens in hoc quod sit corpus mixtum talis speciei; finis, qui non est aliud quam quies in centro; gravitas, quæ est propensio seu inclinatio in ipsum; & descensus, qui est motus seu tendentia in illum. Similiter etiam in ordine supernaturali hæc quatuor debent reperiiri: unde in tali ordine gratia tenet locum substantiae seu naturæ; visio beatifica habet rationem finis; charitas est inclinatio in illum; & motus ejus sunt operationes elicite ab aliis virtutibus infusis, quæ dantur ad executanda opera quibus talis finis acquiritur. Et ideo (subdit S. Doctor) sicut in rebus naturalibus est aliud natura ipsa quam inclinatio naturæ, & ejus motus, vel operatio; ita & in gratiis est aliud gratia à charitate, & à ceteris virtutibus.

§. II.

Solvuntur objectiones.

O Bjicies primo: Tridentinum sess. 6. cap. 7. 170. haec tria solùm dicit in justificatione infundi, scilicet fidem, spem, & charitatem, nulliusque alterius habitus infusi meminit: Ergo cum certum sit in justificatione gratiam habitualē infundi, eam Concilium nomine charitatis intellexit, subindeque censuit esse unum & eundem habitum.

Respondeo Concilium sub nomine charitatis comprehendere eriam gratiam habitualē: non quod sint unus & idem habitus, sed quia inter se necessariō connectuntur, & nunquam ab invicem separantur. Non expedit autem Concilium specialiter gratiam: tum quia initio ejusdem capituli mentionem illius fecerat, dicens justificationem esse renovationem interioris hominis, per voluntariam susceptionem gratiae & donorum: tum etiam quia can. 11. mentem suam aperte declarat, his verbis: *Si quis dixerit homines justificari, vel sola imputatione justitiae Christi, vel sola peccatorum remissione, exclusa gratia, & charitate que in cordibus eorum diffundatur, atque illis inhæreat, anathema sit.* Ibi enim distinguunt gratiam à charitate, cum diversis nominibus eas exprimat, alias ineptam battalogiam committeret, quæ tunc committitur, cum plura nomina ad eandem rem significandam assumentur, uno eorum satis eam exprimente. Nec obstat quod postea assumat verbum singularis numeri, nempe, *diffundatur, atque inhæreat:* istud enim fecit more grammatico, volens verbum respondere proximiō nominī, non autem duobus que assumperat.

O Bjicies secundo: A Scriptura & SS. Patribus 171. iidem effectus gratiae & charitati tribuuntur; per utramque enim dicimus justificari, vivere vitâ divinâ & supernaturale, filios Dei adoptivos fieri, utraque dicitur operire multitudinem peccatorum, discernere inter filios Dei & diaboli, ac esse radix meriti vita eterna, juxta illud Gregorij Magni homil. 27. in Evang. *Non habet aliquid viriditatis ramus boni operis, si non manet in radice charitatis:* denique sicut per gratiam Deo ut sponsō conjungi dicimus, ita etiam per charitatem anima Deo maritur, ut ait D. Bernardus serm. 93. Ergo non distinguuntur realiter, sed sunt unus & idem habitus, qui secundum quod obit diversa munia, diversis nominibus insignit.

Respondeo primò, eosdem effectus gratiae & charitati tribui, non quod sint unus & idem habitus, sed quia sunt inseparabiliter inter se connexæ: qua de causa Apostolus 1. ad Corinth. 3. effectus benignitatis & patientiae tribuitur charitati, non quod sint unus & idem habitus, ut satis constat, sed quia inseparabiliter charitatem ipsam concitantur.

E Respondeo secundò, quod licet multi gratia effectus tribuantur etiam charitati, propter connectionem & mutuam concomitantiam utriusque, tamen aliter tribuuntur gratia, & aliter charitati, scilicet gratia ut prime radici, charitati vero ut fructui illius. Præterquam quod aliqua est gratia excellentia, quæ non tribuitur charitati, scilicet dare primum esse supernaturale, atque adeo esse naturam ordinis supernaturalis, & originem ac primam radicem omnium motuum supernaturalium.

Respondeo tertio, quod quando in Scriptura effectus gratiae tribuuntur charitati, non accipitur

charitas, ut solum est habitus quo Deum diligimus, sed etiam prout est vinculum amicitiae inter nos & Deum, quo & ipsum diligimus, & viscissim ab eo diligimur, in quo sensu charitas continet sub se habitum gratiae, que est effectus dilectionis quia Deus nos diligit: eodemque modo charitatem usurpant SS. Patres, cum eam à gratia habituali non distingunt.

176. Objecies tertio: Si gratia sanctificans non est habitus operativus, erit otiosa, & inutilis, subindeque imperfectior charitate: Sed hoc non est dicendum: Ergo nec illud.

Respondeo negando sequelam: Etsi enim gratia non sit habitus immediatè operativus, non potest tamen dici otiosa: Tum quia operatur per virtutes infusas, quæ ab ipsa emanant ut proprietates; ad instar animæ, quæ per suas facultates operatur: Tum etiam, quia dat homini esse divinum & supernaturale, quod se habet in anima, sicut pulchritudo in corpore; unde sicut pulchritudo non dicitur otiosa, licet non operetur, sic neque gratia.

177. Objecies quartò: Charitas dicitur forma omnium virtutum: Sed informatio virtutum sit per gratiam, per quam opera redditur meritoria: Ergo videtur quod gratia sit idem quod charitas.

Respondeo ex D. Thoma in 2. dist. 26. q. p. 1. art. 4. ad 5. quod charitas alio modo dicitur forma virtutum quam gratia: charitas enim est forma virtutum ex parte actus, in quantum scilicet omnes actus virtutum in suum finem revocat, è quod ejus objectum est finis ultimus. Sic enim est in omnibus potentias, & artibus ordinatis, quod illa que altiore finem respicit, largitur formam arti que sub ipsa est, cuius actus in suum finem ordinatur, sicut gubernator ostendit factori navis, qualis debeat esse formam timonis. Vnde charitas informat alias virtutes, sicut virius virtutem: sed gratia informantur per modum originis, quia scilicet ex ipsa gratia quodammodo formaliter oriuntur habitus virtutum per diversas potentias diffusi; illud autem quod ab alio oritur, formam & speciem ab eo trahit, & in suo vigore consistit, quendam origini continuatur: Ideo non oportet quod gratia sit idem quod charitas, quamvis charitas nunquam possit esse sine gratia.

178. Objecies ultimò: Si gratia & charitas realiter distinguenter possint ab invicem separari, saltem de potentia Dei absoluta: Sed hoc dici nequit: Ergo nec illud. Minor probatur: Si aliquis homo haberet gratiam sine charitate, esset Deo gratus & acceptus, imò & filius ejus adoptivus, & tamen non esset amicus, quod videtur absurdum. Item si aliqui infunderebant charitas sine gratia sanctificante, ille nec damnaretur, cum nullum haberet peccatum, quod cum charitate impossibile est; nec salvaretur, quia cum non esset filius Dei adoptivus, esset incapax hereditatis, & cum non esset induitus ueste nuptiali ac polimità gratia sanctificantis, non posset esse sponsi coelestis conviva, & indignus esset quod admitteretur ad convivium illud aeternum, in quo justi epulantur & exultant in conspectu Dei: quid ergo fieret de illo homine, qui nec salvari nec damnari posset?

179. Respondeo negando Minorem. Ad cujus pri-
mam probationem dicendum est, quod ille cui infunderebant gratia sine charitate, esset amicus Dei radicaliter & remotè, quia haberet gratiam, cui tanquam radici principium diligendi Deum de-

beretur. Ad secundam dico casum illum esse impossibilem: licet enim Deus de absoluta potentia essentiam a suis proprietatibus separare possit, earum resultantiam impediendo, non potest tamen facere quod aliqua proprietas existat in aliquo subiecto, sine essentia à qua dimanat, praesertim si talis proprietas sit vitalis: v. g. licet Deus possit creare animam rationalem sine intellectu & voluntate, non potest tamen intellectum aut voluntatem sine anima rationali producere, aut conservare; quia cum illæ potentiae sint vitales, sine principio vitali, in quo radicantur, subsistere nequeunt; unde cum charitas sit potentia vitalis ordinis supernaturalis, non potest existere sine gratia sanctificante, que est prima radix vitae supernaturalis, & qua in ordine supernaturali gerit vices naturæ seu substantiaz. Quare D. Thomas loco in solutione praecedentis argumenti adducto ait in terminis, quod charitas nunquam potest esse sine gratia.

180. Respondeo secundò, quod si per impossibile charitas esset in aliquo homine sine gratia, ille nec damnaretur, quia non haberet peccatum; nec salvaretur, quia non esset ad gloriam idoneus; sed, ut dicit Capreolus, pertineret ad divinam prudentialm ei providere, vel de gratia quia fieret ad gloriam idoneus, vel de aliquo alio fine ultimo ipsi proportionato, qualis esset notitia abstractiva Dei, ut authoris tam supernaturalis quam naturalis.

§. III.

Corollarium praecedentis doctrine.

EX dictis inferes, gratiam habitualē subiecti immunitatē in anima, non autem in voluntate. Ita D. Thomas hic art. 4. & omnes Authores qui docent gratiam distinguere à charitate.

D Probatur primò: Si gratia ponerebatur immunitatē in potentia animæ, non verò in ejus essentia, esset proximè & immunitatē operativa; quod enim perfecta potentia per se primò ad operationem ordinatam, est immunitatē operativum: Sed gratia non est immunitatē & per seipsum operativa, ut probant rationes, quibus ostendimus eam distinguere realiter à virtutib; Ergo non residet in potentia animæ, sed in ejus essentia.

Secundò, Dona supernaturalia, quia sunt participationes intellectus & voluntatis Dei, recipiuntur immunitatē in intellectu & voluntate: Ergo illud quod est participatio naturæ ut natura est, debet in ipsa animæ essentia immunitatē recipi.

Tertiò, Effectus formales gratiae per se primò insunt animæ, & non ejus potentia: Ergo & gratia. Consequentia pater, cum enim effectus formalis formæ nihil aliud sit quam ipsa forma ut communicata subiecto, in eo subiecto residet immunitatē forma, cui tribuit suum effectum formalem. Antecedens verò probatur: Effectus formales gratiae sunt præcipue duo, nimur dare esse & vires supernaturalem, & reddere Deo gratum: Sed illi effectus per se primò convenienter animæ, esse enim, & vivere, seu esse principium radicale vita, per se primò convenienter animæ, & non potentia; similiiter esse gratum per se primò resipit non operations vel potentias, sed subiectum; quia enim illud est gratum, operations sunt gratae & acceptæ, juxta illud Gen. 4.

DISPUTATIO TERTIA

Respxit Dominus ad Abel, & ad munera ejus Ergo &c.

Denique ut discurrit D. Thomas hic art. 4. in argum. sed contra, *Per gratiam regeneramur in filios Dei: Sed generatio per prius terminatur ad essentiam, quam ad potentias: Ergo gratia per prius est in essentia animae, quam in potentiis.*

Confirmatur: Si Deus ab homine auferret omnes animae potentias, ille adhuc esset capax gratiae sanctificantis; nam eti naceretur sine potentiis, haberet peccatum originale, quod afficit immediatè ipsam substantiam animae, ut in Tractatu de peccatis ostendimus: Ergo posset baptizari,


Disp. 7. art. 6. subindeque gratiam sanctificantem, per quam à tali peccato mundaretur, recipere.

182. Objicies primò: Contraria debent habere idem subiectum a quo se expellant: Sed subiectum peccati, quod contrariatur gratiae, non est essentia animae, sed ejus potentia: Ergo gratia non residet in essentia animae, sed in ejus potentia.

Respondeo negando Minorem: licet enim peccati actualis subiectum sit potentia, subiectum tamen peccati habitualis, & macula, cui gratia opponitur, est essentia animae. Itaque peccatum dupliciter potest considerari, primo in ratione offendit, & quantum ad actualē deordinationem; & sub hac ratione non opponitur directè gratiae, sed charitati, vel iustitiae, subindeque in voluntate residet: secundò in ratione macula, & quantum ad habitualem deordinationem quam in anima caufat; & sic directè opponitur gratiae habituali, & in ejus privatione, ut actum præteritum à quo caufata fuit connotante, consistit; quare immediate residet in essentia animae, ut in Tractatu de peccatis docuimus.

Disp. 8. art. 3. Objicies secundò: *Gratia & gloria sunt in eodem subiecto: Sed gloria non est in essentia animae, sed in ejus potentia; cum nihil aliud sit quam beatitudo, qua in actu intellectus, clarà felicitate Dei visione, formaliter consistit: Ergo pariter gratia non in essentia animae, sed in eius potentia residet.*

Respondeo distinguendo Majorem: Gratia residet in eodem subiecto quo gloria, sumpta in actu primo, & pro dono supernaturali habente perfectionem beatitudinis, concedo Majorem: sumpta in actu secundo, & pro actu formalis beatitudinis, nego Majorem. Similiter distinguo Minorem: Gloria non est in essentia animae, ut est actus secundus, & ipsa beatitudo formalis, concedo Minorem: ut est actus primus, & donum supernaturale habens perfectionem beatitudinis, nego Minorem: nam sub hac ratione est ipsa gratia consummata, ut causans lumen gloriae, eique indissolubiliter connexa. Ita Cajetanus & Conradus hic art. 4. & Capreolus in 2. dist. 26. quæst. 1. ad 1. Scoti contra 2.



DISPUTATIO III.

De divisione gratiae.

Ad questionem 111. D. Thome.

Considerata existentiā & essentiā gratiae, consequens est ut varias ejus species contemplemur, innumeraque gratiae dona, quibus nos Deus afficit, ac prævenit in benedi-

A Etionibus dulcedinis, & qua ab ipso veluti radj. à Sole promanant, breviter hic declaremus & exponamus.

ARTICULUS PRIMVS.

Vtrum gratia creata interna convenienter dividatur in gratiam gratum facientem, & gratias datam, & an prater gratias gratias data, ab Apostolo recensitas, alia assignari possint?

§. I.

Quibusdam premisis, utraque difficultas resolvitur.

SVPONNO primò, divisionem gratiae in gratiam gratum facientem, & gratias datam, non esse primariam, sed secundariam, & subdivisionem alterius divisionis, quā gratia primò dividitur in gratiam incretam & æternam, cuiusmodi est amor quo Deus nos ab æterno dilexit in ordine ad finem supernaturalem, & in gratiam creatam & temporalem, qua comprehendit ea dona, quæ nobis à Deo in ordine ad eundem finem in tempore conceduntur. Hanc gratiae divisionem insinuat S. Thomas hic quæst. 110. art. 1. in calce corp. art. ubi sic ait: *Per hoc quod dicitur homo gratiam Dei habere, significatur quiddam supernaturale in homine à Deo proveniens. Quandoque tamen gratia Dei dicitur ipsa eterna Dei dilectio, secundum quod dicitur etiam gratia prædestinatio, in quantum Deus gratuus, & non ex meritis, aliquis prædestinavit sive elegit: dicitur enim ad Ephes. 1. Prædestinavit nos in adoptionem filiorum in laudem gloriae gratia sua. Quibus verbis declarat, quod quamvis simpliciter, & quasi per antonomasiam, nomine gratiae, significari soleat donum temporale & creatum, tamen nomen & notio gratiae propriè etiam convenit enti incremento, nimur autem voluntatis divinae, eligentis & prædestinantis aliquos homines ad gloriam gratuam, & independenter à meritis: unde ad Roman. 4. & 11. prædestinatio, propositum gratiae, seu electio gratiae nuncupatur, & Sapient. 16. per gratiam quæ dicitur omnia nutrita, supernaturale & gratutius Dei amor significatur. Similiter persona Verbi, quatenus communicata humanitate Christi per unionem hypostaticam, gratia substantialis & increata appellatur. Unde Christus in quantum homo dicitur substantialiter unitus à Divinitate, juxta illud Nazianzeni orat. 26. *Vnūtio humanitatis, Divinitas est.* Denique Iudiciorum lib. 7. Etymol. cap. 3. ait Spiritus Sanctum, quia non nostris meritis, sed voluntate divina gratis datur, gratiam appellari. Idem docet Augustinus serm. 31. de verbis Domini cap. 1. his verbis: *Gratia quippe Dei donum Dei est: donum autem maximum ipse Spiritus Sanctus est, & ideo gratia dicitur.**

Adverte tamen, hoc inter actus increatos divinas voluntatis, & Personas Divinas disserim reperiri, quod affectus supernaturales & indebiti divina voluntatis erga homines, ut prædestinatio & electio, sunt formaliter gratiae ab æterno, quia ab æterno sunt formaliter dona seu beneficia supernaturalia; Divinitas vero & Personæ Divinae non sunt ab æterno gratiae, sed in tempore, hoc est, licet æternæ sint quoad suam realitatem, tem-